



Pou Piblikasyon Imedya: 31/03/2022

GOUVÈNÈ KATHY HOCHUL

GOUVÈNÈ HOCHUL PIBLIYE PWOKLAMASYON POU SELEBRE JOUNEN VIZIBILITE TRANSEKSYÈL YO

Yo pwoklame 31 mas nan New York Jounen Vizibilite Transeksyèl yo - li pwoklamasyon an isit la

Yo pral limen moniman Eta yo pou selebre Jounen Vizibilite Transeksyèl yo

Gouvènè rekonèt nivo istorik reprezantasyon manm transeksyèl, sèks ki pa konfòme yo, ak manm non-binè yo yon fason ouvè nan administrasyon li an

Videyo ki montre reprezantasyon manm transeksyèl yo nan Biwo Gouvènè a isit la

Gouvènè Kathy Hochul te pibliye jodi a yon pwoklamasyon ki deklare 31 mas 2022 kòm Jounen Vizibilite Transeksyèl (Transgender Day of Visibility) yo, pou selebre kominote trans lan nan Eta New York ak atravè peyi a. Gouvènè a te anonse tou ke yo pral limen moniman Eta New York yo woz, blan ak ble limyè aswè a, 31 mas la, pou selebre Jounen Vizibilite Transeksyèl yo epi rekonèt nivo istorik reprezantasyon manm transeksyèl, ki pa konfòm ak sèks non binè yo yon fason ouvè nan administrasyon li an.

"Jodi a, n ap selebre Jounen Vizibilite Transeksyèl yo lè nou mete aksan sou anpil kontribisyon yo ke manm kominote transeksyèl yo te pote nan Eta New York ak atravè peyi a", **Gouvènè Hochul te deklare.** "Jou sa a ogmante konsyantizasyon sou diskriminasyon moun transeksyèl yo, sèks ki pa konfòme ak sèks non-binè yo fè fas atravè mond lan. Pandan ke lejislatè yo nan lòt eta yo ap adopte pwojè lwa ki nwi elektè transeksyèl yo, mwen fyè pou mwen anonse nominasyon kat fonksyonè publik ki gen eksperyans transeksyèl ki devwe ak kalifye pou travay avèk mwen pou kontinye sipòte kominote transeksyèl la nan batay li pou jistis, egalite, ak ekite."

Gouvènè a te anonse nominasyon moun transeksyèl, sèks ki pa konfòm ak sèks non-binè sa yo nan administrasyon li an:

Yo te nonmen **Priya Nair (Yo)** kòm Ofisyè Anchèf Adjwen pou Divèsite. Dènyèman, Priya te sèvi kòm Direktè Asosye Ekite Sèksyèl pou NYC Health + Hospitals, ki se pi gwo sistèm swen sante publik nan Etazini. Anvan sa, yo te nonmen Priya kòm premye

bousye LGBTQ Edie Windsor, Marsha P. Johnson, ak Sylvia Rivera nan Eta New York, kote yo te sèvi kòm konseye politik ak jesyonè pwojè pou avanse inisyativ LGBTQ ak divèsite Gouvènè a. Anvan Chanm Egzekitif la, Priya te Lyezon LGBTQ pou Prezidan Konsèy Vil New York la Melissa Mark-Viverito ak Corey Johnson. Yo te nonmen Priya nan lis "Pride Power 100" Vil & Eta a an 2019 ak 2020, se yon Nouyòkè pou tout lavi, epi li gen yon BA (Diplòm Lisans) nan Vassar College.

Yo te nonmen **Ron Zacchi (Li/Yo)** kòm Direktè Afè LGBTQ+. Dènyèman, Ron te sèvi kòm Direktè Relasyon Eksteryè pou Divizyon Dwa Zimen (Division of Human Rights) Eta New York. Ron te antre nan gouvènman eta a atravè Pwogram Bousye Empire State la (Empire State Fellows Program) epi li te sèvi kòm Asistan Direktè Afè Entè-gouvènmantal pou Biwo Asistans Tanporè ak Andikape (Office of Temporary and Disability Assistance, OTDA). Ron te kòmanse karyè li nan sèvis publik pandan dis ane travay li sou egalite maryaj, sitou li te sèvi kòm Direktè Egzekitif Egalite Maryaj nan New York (Marriage Equality New York, MENY). Ron te resevwa yon (Diplòm Lisans nan Lawrence Herbert School of Communication nan Hofstra University ak yon MPA Egzekitif nan Marxe School of Public and International Affairs nan Baruch College, li te resevwa Bousdetid Hagedorn.

Yo te nonmen **Chanel Lopez (Li)** kòm Direktè Adjwen Afè LGBTQ+. Anvan wòl sa a, Chanel te sèvi kòm Lyezon Kominotè Transekpsyèl pou Komisyon Dwa Zimen Vil Nouyòk, kote li te devlope epi kenbe relasyon ak ofisyèl eli yo ak divès kominote epi li te ede nan planifikasyon, kowòdinasyon ak aplikasyon estrateji angajman publik nan non komisyon an. Anvan sa, Chanel te sèvi kòm yon Konseye pou Jèn nan Sant Ali Forney (Ali Forney Center) kote li te travay sou kreye espas ki an sekirite epi bay konsèy pou kriz ak medyasyon rezolisyón konfli pou jèn LGBTQ+ ki sanzabri. Chanel te resevwa diplòm Etid Segondè li nan Martin Luther King Jr. High School. Li te vedèt twa dokimantè tou e li te resevwa yon Sètifica Merit ak yon Pwoklamasyon pa Prezidan Minisipalite Bronx Ian Ruben Diaz Jr. Chanel te premye fanm transekpsyèl tou ki te onore pa Asosyasyon Parad Dominikèn (Dominican Parade Association).

Yo te nonmen **Jenna Frasier (Yo/Li)** Bousye LGBTQ Edie Windsor, Marsha P. Johnson, ak Sylvia Rivera. Yo espere onore eritaj twa Nouyòkè enkwayab yo ke bous la pote non yo. Jenna se yon yogi ak travayè sosyal ki pasyone pou ko-kreyasyon espas gerizon ak liberasyon. Yo te ede dirije koleksyon fon ak estrateji dijital nan I Challenge Myself, ki se yon òganizasyon ki nouri panse, kò, ak lespri lè yo inisyè elèv lekòl Vil New York yo nan sikliz andirans, epi yo te antrene yon klèb sikliz pou jèn LGBTQ+, Fearless Flyers. Anvan sa, Jenna te anseye yoga nan lekòl elementè yo nan South Bronx ak Harlem epi li te fasilité gwooup òganizasyon kominotè ak adolesan atravè vil Nouyòk ki baze sou yon kad anti-rasis. Yo te resevwa MSW (Metris nan Travay Sosyal) yo nan Silberman School of Social Work nan Hunter College ak yon Lisans nan Syans Jounalis nan Northwestern University.

Moniman yo pral limen pou selebre Jounen Vizibilite Transekpsyèl yo gen ladan:

- One World Trade Center

- Pon Gouvènè Mario M. Cuomo (Governor Mario M. Cuomo Bridge)
- Pon Kosciuszko (Kosciuszko Bridge)
- Batiman SUNY H. Carl McCall (The H. Carl McCall SUNY Building) lan
- Batiman Edikasyon Eta a (State Education Building)
- Batiman Alfred E. Smith State Office (Alfred E. Smith State Office Building) la
- Empire State Plaza
- Pak Ekspozisyon Eta - Pòtay Prensipal ak Sant Ekspozisyon
- Chit Nyagara (Niagara Falls)
- Pon Franklin D. Roosevelt nan Mid-Hudson
- Tèminal Grand Central (Grand Central Terminal) la - Vyadik Pershing Square (Pershing Square Viaduct) a
- Pòtay Entènasyonal Ayewopò Albany (Albany International Airport Gateway)

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)